

Zeitschrift: Bündner Schulblatt = Bollettino scolastico grigione = Fegl scolastic
grischun

Herausgeber: Lehrpersonen Graubünden

Band: 65 (2003-2004)

Heft: 9: Schulprojekte managen

Rubrik: Pagina rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.03.2025

ETH-Bibliothek Zürich, E-Periodica, <https://www.e-periodica.ch>

Lectura sursilvana per la 5. e 6. cl. primara sigl internet

(mama) Dapi biars onns ein ils cudischs sursilvans da lectura per la 5. e 6. classa primara exausts. Ils 9 da zercladur 2004 ei vegniu presentau a Mustér al scolasts ed allas scolastas sursilvans da quei scalem la nova puschida da lectura per quellas classas. Buc il davos ord motifs finanzials, denton era ord motifs plausibels dil temps ei il cantun sedevidius da rannunziar ad in'ediziun tradiziunala d'in cudisch da scola da lectura. Da niev sa ins reter la puschida da texts, commentari pil scolastA, fegls ed incumbensas da lavur, fotografias, maletgs, multimedias e «links» direct giu digl internet sut www.lectura56.ch.

Linus Maissen, inspectur da scola e member dalla Cumissiu da mieds d'instrucziun dil Grischun ha beneventau el TeSCO a Mustér scolastas e scolast dalla 5avla e 6avla classa primara e representantAs dallas medias alla presentaziun dalla nova puschida. Martin Mathiuet, collaboratur regional dalla Lia rumantscha e meinaproject sin incumbensa dil cantun, ha schau il giat ord il sac e demonstrau la funzionalitad e la puschida dalla pagina electronica. El ha era skizzau l'idea dil project e fatg da saver ch'ins hagi – cun la nova tecnologia – pusseivladads maisudidas. Tochen ussa seigien entgins texts commentai e didactisai sin la pagina. Il scolast ha la pusseivladad da scargar ils texts, fegls da lavur ed incumbensas sco documents el format RTF (surluvrabels) ni PDF (fixai). En collaboraziun cun la televisiun rumantscha, radio rumantsch, cun trer a nez gl'internet etc. eis ei era pusseivel da reter multimedias e maletgs. La finala han ils presents giu la pusseivladad da far damondas e deponer propostas al programader dalla firma crealogix ed alla redacziun.

Duront la proxima stad vegnan ulteriurs texts cargai sin la pagina. Tochen la fin digl onn da scola 2007 vegn la pagina baghegiada ora successivameit cun novas puschidas. La finala ei la redacziun cun Gion Tener, Bruno Flepp, Monica Quinter, Aluis ed Olinda Hosang, Roger Tuor, Michel Andriuet (Mustér), Sabina Caduff, Diego Deplazes, Arno Camenisch e Conradin Caduff responsabla per ils tschien texts commentai e

didactisai. Renzo Caduff ha surpriu il lectorat. Mo era mintg'in e mintg'ina ei cordialmein envidaus da separticipar e collaborar vid il reusir da quell'ovra. Perquei ei era drizzau en sin la pagina ina pusseivladad da contactar il meinaproject. Ins sa dar feedbacks, far attents sin sbagls, proponer novs texts, fegls da lavur, incumbensas, commentaris, etc. En in FORUM ei era pusseivel da seconversar electronicamein culs collegas; cheu san ins tschentar damondas, far propostas, visar sin ulteriuras pusseivladads intressantas, etc. Las pusseivladads tecnic lubeschan aschia in svilup dinamic dalla puschida, adattaziuns e correcturas permanentas e grondas libertads el diever. Tgi che ha buca access agl internet sa empustar dil meinaproject per il prezi da produziun e spediziun in disc-cumpact ni in squetsch dil material sin pupi.

Il meinaproject, Martin Mathiuet Telefon 081 921 25 60 ccm.martin@rumantsch.ch stat era a disposiziun per ulteriuras informaziuns, beneventa critica e giavischina ina cooperaziun da tuttas collegas.

www.educa.ch rm

Dapi il fevrer 2004 lavura Giusep Carigiet parzialmein per «educa» ed ussa ein las paginas rumantschas era online. L'adressa ei sura sin la pagina d'intrada elegia ins lu rm. Il redactur Giusep Carigiet contonscha ins sur Giusep.Carigiet@educa.ch ni a Casut 7164 Dardin.

Havess da vender ad ina scola per in prezi simbolic (frs 200.–) ina televisiun cun video. Tgi che ha interess sa s'annunziar tier Martin Mathiuet ccm.martin@rumantsch.ch Condiziun ei da vegnir a Laax en biro persunter. Sch'enzatgi ha era enzatgei da vender ni schenghegiar allas scolas, sa el era far quei sin quella moda sco jeu cheu!

La Scola mercantila a Glion havess entgins computers ch'ella mettes a disposiziun a scolas intressadas. Ulteriur sclariment dat il rector Iso Tuor, Telefon 081 925 34 33

Agenda

22 – 24 d'october 2004:
dis da litteratura a Domat

30 d'october 2004:
radunonza da delegai dalla Lia rumantscha

6 da nov. 2004:
gi da perfecziunament per Cusseglis scola organisaus da Schule & Elternhaus Grischun.
Tema; Cooperaziun diils geniturs en scola (PFH a Cuera)

Übersicht Arbeitsunterlagen

- La cuorsa rapida (Lesetext für Ausdruck)
- La cuorsa rapida (Lesetext zum Bearbeiten)
- Lehrerkommentare (Password-Schutz)
- Kommentar 1
- Kommentar 2
- Kommentar 3

Arbeits- und Handlungsanweisung

- Arbeitsanweisung 1
- Arbeitsanweisung 2
- Gruppenarbeiten für 4 Pers.

Arbeitsblätter

- Lückentext
- Aufsatz - Eigene Erlebnis
- Remas